



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmma Totivs Theologiae S. Thomæ Aqvinatis, Doctoris Angelici Ordinis Prædicatorum

Secvndæ Secvndæ Partis Volumen Tertium

Thomas <von Aquin, Heiliger>

Romae, 1619

Vtrum martyrism sit actus virtutis? 1

urn:nbn:de:hbz:466:1-38803

Vtrum martyrrium sit actus virtutis?

629 **A**D primum sic proceditur. Videtur, quòd martyrrium non sit actus virtutis. Omnis enim actus virtutis est voluntarius. Sed martyrrium quandoque non est voluntarium, vt patet de innocentibus pro Christo occisis, de quibus dicit * Hilar. super Matth. quòd in æternitatis profectum per martyrij gloriam efferebantur. Ergo martyrrium non est actus virtutis.

*Can. 1. in
fn. illius.**q. 64. a. 5.**ca. 26. in
princ. to-
mo 5.*

¶ 2. Præterea, Nullum illicitum est actus virtutis. Sed occidere seipsum est illicitum, vt supra habitum est*; per quod tamen martyrrium consummatur. Dicit enim Aug. in 1. de * Ciuit. Dei, quòd quædam sanctæ femine tempore persecutionis, vt insectatores suæ pudicitie deuitarent, se in fluuium deiecerunt, eoque modo defunctæ sunt: earumque martyria in Catholica Ecclesia etiam veneratione celeberrima frequenterantur. Non ergo martyrrium est actus virtutis.

¶ 3. Præterea, Laudabile est, quòd aliquis sponte se offerat ad exequendum actum virtutis. Sed non est laudabile, quòd aliquis martyrio se ingerat: sed magis videtur esse præsumptuosum & periculosum. Non ergo martyrrium est actus virtutis.

SED contra est, quòd præmium beatitudinis non debetur, nisi actui virtutis. Debetur autem martyrio, secundum illud Matth 5. Beati qui persecutionem patiuntur propter iustitiam, quoniam ipsorum est regnum cælorum. Ergo martyrrium est actus virtutis.

*a. 12. præ.
& 11. 11.**ar. ult. q.
præ. 9.
109. a.
1.*

RESPONDEO dicendum, quòd sicut dictum est *, ad virtutem pertinet quòd aliquis in bono rationis conseruetur. Consistit autem bonum rationis in veritate, sicut in proprio obiecto: & in iustitia, sicut in proprio effectu, sicut ex supradictis * patet. Pertinet autem ad rationem martyrij, vt aliquis firmiter stet in veritate & iustitia contra persequentium impetus. Vnde manifestum est quòd martyrrium est actus virtutis.

Ad primum ergo dicendum, quòd quidam dixerunt, quod

quòd in innocentibus acceleratus est miraculosè liberari arbitrij vsus, ita quòd etiam voluntariè martyrium passi sunt. Sed quia hoc per auctoritatem scripturæ non comprobatur, ideo melius dicendum est, quòd martyrij gloriam, quam in alijs propria voluntas meretur, illi paruuli occisi, per Dei gratiam sunt assecuti. Nam effusio sanguinis propter Christum, vicem gerit baptismatis. Vnde sicut in pueris baptizatis, per gratiam baptismalem meritum Christi operatur ad gloriam obtinendam: ita & in occisis propter Christum, meritum martyrij Christi operatur ad palmam martyrij consequendam. Vnde Augustinus dicit in quodam sermone de Epiphania, quasi eos alloquens, ille de vestra corona dubitabit in passione pro Christo, qui etiam paruulis baptismum prodesse non æstimat Christi. Non habebatis ætatem, quam in passurum Christum crederetis, sed habebatis carnem, in qua pro Christo passuro passionem sustineretis,

Ad secundum dicendum, quòd sicut August. ibidem * dicit, esse possibile quòd aliquibus fide dignis testificationibus diuina persuasit auctoritas Ecclesie, vt dictarum sanctarum memoriam honoraret.

Ad tertium dicendum, quòd præcepta legis dantur de actibus virtutum. Dicitur autem est * supra, quædam præcepta legis diuinæ tradita esse secundum præparationem animi, vt scilicet homo sit paratus hoc vel illud facere cum fuerit opportunum: ita etiam & aliqua pertinent ad actum virtutis secundum præparationem animi, vt scilicet superueniente tali casu, homo secundum rationem agat. Et hoc præcipuè videtur obseruandum in martyrio, quod consistit in debita sustinentia passionum iniuste infligarum. Non autem debet homo occasionem dare alteri iniuste agendi: sed si alius iniuste egerit, ipse moderatè tolerare debet.

*l. 1. de sp.
ui. Dei, c.
c. 26. cir.
prin. t. 5.
q. 108. a.
r. ad 4.*